



東游集

翰林院官書
法梧門曾感

澤古堂藏書

東遊集

出京

曹錕

曹錕

曹錕

萃溪黃金著

恩命新承出 帝州風雲壯志屬茲遊
回瞻王氣浮龍虎近擁行營列貔貅
時兵騎送故云心上經綸元有自
眼前凋瘵可無瘳却思卓魯龔黃事
子載于今芳譽流

早發臨邑

縣城侵曉發村巷戶初開人立茅簷下
鷺啼草閣隈陰交煙樹合風逐水雲來
極目臨高處時懸陟此懷

過章丘東陳平岡大尹先任內翰

一入使君邑賢聲滿路傳瑚璉元自重
枳棘使人憐冠守聊河

內班生且洛川他年勲業在翹首望凌煙

公署

曉涼清暑與悠哉靜院無人草色開祗爲浮名千里外俄驚物
候九秋來短牆過燕多新語古栢當庭半舊栽國計報來書上
考皂囊應達九重臺

過濟陽

濟陽城北古河流雲樹拂天無盡頭舟戢唯通鹽賈利居民半
是野耕謀桑麻色散青郊路村落聲聞白社謳却羨花封賢令
尹雅知教養爲民壽

發曲堤

晨鍾鳴野寺客子即征塗鷄唱村初曉人行露尚濡引輿排蠟
炬清道羅兵徒幾望東方白林間星影孤

清河渡

日暮望行色逸塵滿路飛平岡垂碧草孤嶂隱斜暉獨樹中流
見行人隔岸回輕風揚柳渡颯颯舞征衣

登太山有作

太山曾豁仲尼眸今日何緣得此遊獨夜遙瞻星拱北晴旭俯
瞰海東流兩輪日月朝昏見萬古乾坤上下浮紀德磨崖應有
待願爲搗藻闡皇休

侵曉肩輿度太山崇岩絕壁路迴還清風細轉長林外晴日高

臨曲水灣疑是飛仙凌碧漢恨無大藥駐朱顏自憐車馬紅塵
客空負白雲縵間

石磴連雲起有輿向日馳澗鳴泉漱玉峯引岫成惟捫草觀唐
碣刻苔覽漢碑平生懷古意感慨有餘思

山院聞簫

洞簫縹緲隔溪聞疑是仙家弄夕曛况復梁園千里客宦情鄉
思兩紛紛

寄內兄穀溪春曹

一自燕臺別今來數月臨解禁身更苦拯敝力難任骨肉三秋
淚關河萬里心鱗鴻如有便莫惜枉佳音

夜出武定道中

人稀秋夜靜野色望中微水落沙浮白天空月吐輝荒鷄先曉
唱邊鴈隔雲飛民瘼關心切何辭遠道歸

卽事因踏災有作

省災夙駕過東阡邑井蕭條最可憐極目荒煙籠白草傷心流
水沁平田已知民力刀錐盡側望君恩旦夕蠲遮泣道前聲
震野西風回首淚潸然

脫粟

弱冠登科幾閱春志存濟世與安民微官初試新城令高節常
期往哲倫唯恐素餐招物議敢因脫粟怨官貧吾家世宦多清

白願取芳聲繼後塵

春偕僉憲楊公看小清河口

曉隨憲節閱河防
駭浪驚風勢渺茫
本是斯民禾黍地
胡爲今日水雲鄉
沙邊返照紅將歛
堤上寒煙晚故長
滿眼瘡痍誠痛骨
不知誰與底平康

和月峯賈二府憫災韻

停舸一望水滔天
水患今來倍昔年
已過三秋無一粒
安能斗米直三錢
蕭條風色吹寒露
浩渺波流浸野田
幸有明公來拯溺
齊川才負斗山懸

過淄川

促駕淄川道
山圍四望晴
流泉衝亂石
絕壁帶芳英
日耀旌旗色
風傳鞞鼓聲
思親不可見
回首白雲情

曉渡孝婦河

山寒風撲面
霜凍水侵人
石上肩輿過
河濱從騎巡
丹崖飛野馬
碧草競餘春
旭日遙天外
時時散影新

謁顏孝婦靈泉祠

一入靈泉祠
淒風洒髮毛
遺容留萬古
順德仰吾曹
路轉朱甍出
山開碧殿高
辨香聊展敬
瞻拜敢辭勞

甕口山

甕口名山跡
亦奇行人到此路
多疑乍看旭日浮
光細漫訝寒

雲靜影遲耳畔草蟲聲振谷目前峯葉翠含姿平生雅好林泉
趣伏軾沉吟有所思

新泰山行有感

今年失脚下魚磯悔却從前心事非本意布常安懶拙何心青
紫逐輕肥故園松菊開荒徑客路烟霞送落暉自笑此身真浪
跡關山空望白雲扉

苗山店

山行鎮日遠山阿望眼林霏感慨多一徑殘花開晚樹半溪曲
水泛寒波荒原不見桑麻地野俗行看鳥雀羅可念此方生意
少不知民牧欲如何

宿山寺

夜宿招提境天空象緯開佛香飄別院僧俱動層臺菊燦霜燈
外蟲鳴月牖來靜中俗慮息回首即塵埃

書寄高東玉亞卿因而賦此

晚衙人散已初更秉燭揮毫報友生帳別每驚千里夢論交常
憶十年情一簾花影風初定滿院秋光月正明無那懷人阻兩
地何時對酒破愁城

濟南贈周弦齋之汀州

聞君新命守江臯濟水城邊送節旄世務閱來同臭味宦情
歷盡幾風濤舊爲御史曾攀檻今任專城始佩刀從此經綸應

有在勳華端不負人豪

雪夕偕竹溪一齋集李九山館

滕六飛花動遠天錦堂銀燭照華筵卽看三白占豐歲更喜同心擬昔賢醉裏流觴延漏永興來衆翰覓詩聯他鄉今夕成高會何羨王猶雪夜還

夜餞王蘆泉

遙情常繫汴河干宦邸逢君強自寬千里那堪鄉國遠一尊同對雪宵寒座中燈火流香霧簾外歌鍾繞畫闌歡晏莫教輕許別明朝回首路漫漫

夜宴張梧川宅

薄暮開嘉宴嚴城欲二更衣冠集上客簫鼓動前楹歡叙平生舊歌游此日情霜清鶴唳夜猶自論縱橫

偕胡二川夜過章丘

蚤夜勤王事相逢喜並輿林空斜見月橋斷細通渠蓋轉連雲迥騶鳴入野徐誰憐遊子意遙念在親廬

龍山驛途中

旭日煙嵐秀雲長客路遲寒禽鳴野樹衰草蔓荒池故里千山隔離人方寸思無端風力勁時向手中吹

青陽驛夜雪

朔風午夜掠行臺六出飛花片片來坐對燈前寒透骨起看庭

下雪成堆照室摠爲雲母障隔林遙望玉英開清香一種毒花
味恨不當筵侑酒杯

鄒平雪中

肩輿雪裏度鄒平雪影雲光一樣清閃閃旌旗雜鼓吹只疑跨
鶴玉宵行

賀王金吾七十

極星流采當初度華館開筵集上賓寶篆風飄香霧暖斑衣酒
進紫霞醇極知福德栽培厚可是天人感應真願擬南山祝永
壽木公合信是前身

鐵山道中

獵獵旌旗捲朔風曉天遙望海雲紅雪消客路泥猶濕春到河
橋凍欲融皂蓋影搖山色動錦袍光映日華烘輶車時駐詢田
叟每見荒蕪一愴衷

寄上家君

海月流清漢客窓散素光故國去千里南北各一方思親不可
見垂白在高堂晨昏曠起居左右誰漱裳一介遣行李遙爲布
裘賜書去神亦去儼然在親傍諒知冠冕意何似坐石床立身
與行道勉勉不敢忘蒞官甫半載獲上民亦康素履苟不爽官
箴庶無妨何日瓜期代團欒進壽觴

憶都憲沅溪何公北上

憶在京華日談經夜共羶別來驚歲晚到此喜官聯德業恒相
勉才名每見憐匆匆忽北上帳望暮雲邊

正月十六日偕諸同寅登城北臺

去年此日燕蓬萊

靈濟官扁
日蓬萊

今歲同登魯國臺序轉青陽開品

彙雲連滄海淨纖埃輕風飄颯吹雙鬢淑氣氤氳徧九枝正是
元宵燈火夜太平蕭鼓侑金杯

陽春有脚到蒿萊勝日登臨野外臺暫假薄遊占歲事不妨夙
駕冒氛埃管絃聲沸惟清晝老穉人呼步紫核可是太平真景
象閭閻醜飲亦啣杯

魯竹溪往署臨邑餞于北臺有贈

送客春郊外微風近午天城隍迂徑轉水曲斷橋懸對酒歌金
縷登臺望紫煙蒸黎應有待莫遣馬留連

寄高東玉太卿

童稚情親三十年比來消息兩茫然縱知故國終相聚無那他
鄉最可憐魯水煙含春野樹滌山地隔暮雲天迢遙不盡相思
恨握手何時醉綺筵

新城早發

曉出桓臺道山雲入眼清流鶯織細柳旅鴈度高城學宦空無
補年華每自驚強顏今日事感嘆負平生

雨後長山即興

雨過平衢靜天空皎日低石橋騎馬滑芳樹坐鶯啼風色翻征
蓋春流亂野畦雲山望不極客思轉淒迷

夢童內方學士

往歲送別三月天桃紅李白耿蒼煙君擁玉勅雙龍節我薦陽
關三疊篇離遙遙在城西寺把酒相看塊黯然只欲尊前玉山
倒何妨門外驪歌早酒闌歌盡日將斜馬高車即遠道帳望
寒雲孤鴈飛碧天萬里淨如掃憶昔同是京華客自少謬忝聲
名赫同袍豈特骨肉親每語見許文章伯相期握手五雲衢堯
舜君民禹竹帛一自去後不復還遺書滿緡筆痕斑誰遣修文
歸地下空留華聞落人間今宵忽向夢中見款語平生別意慳

覺來慘悽聊數語感今悼昔淚潛潛

賀少府一齋施公榮膺旌獎叙

夫人之於世也凡有所負挾者孰不欲凌風排雲鼓翼於九天
之衢以赴功名之會以遂生平之願也哉願時有遲速數有成
否而德有靜躁才有短長之不同夫時與數在天者也才與德
在人者也係于天者雖難必而存乎人者當自盡君子亦唯盡
其在我而已苟盡其在我則人以勝天天以人定隨軼輒効而
榮名隨之是又烏可以執一論哉然則施君克被旌獎之榮寧
無所自也耶予嘗聞之君子藏器于身而動必有獲行無不利
者乃其養之有素也於君殆有徵焉何哉予與君爲同鄉往往

聞君名頃承乏新城大金吾許南岡過予曰一齋爲人蘊藉深厚恭謹忠雅適數竒久之以選士始拜今職時暇恒卑之幸得公相與其有成哉及接君見其貌恂恂爾言訥訥爾虛衷謙謙爾是蓋靜養而有德者予曰嘻君固其可與也南岡其知人哉已而觀其職司馬政勤於考牧中間董之以威綏之以惠執之以信斷之以義而又矜持平清白之操以致牧政克脩而馬獨完且先馬人咸藉藉稱嘆曰前丞于斯者每以賄敗今若此蓋數十年所僅見者也謂非長於才者能之乎故予嘗署其考曰常例却而名檢自勵馬政脩而幹濟得宜豈虛美耶庸是甫及數月焯有聲績此其所以來太僕獎勸之典由是而進之臚仕崇階詎可量乎視前所謂時有遲速數有成否者可得而拘之哉若夫近時仕者欲速者不知時者也妄意者不知數者也淺中者不足德者也滯行者不足才者也以是不足才德之人而有不知時與數之見身名胥失無惑乎世風愈下而治之不古若也予於君有深慶焉又有深感焉於是酌酒而歌之曰魯頌駟牡兮無邪是思衛歌駉牝兮塞淵自持以和召祥兮物罔不滋雲錦成群兮攻車載馳共武之服兮安攘賴之荷茲寵命兮百祿咸宜

送王灤川戶部九江監稅

上苑春風御柳斜晴曛紫陌碧烟沙民曹大夫拜 帝命南來

江國擁星槎，蟠龍萬里雲。中節歸鴈，三秋夢裡家。宛轉整駕東，
山道先過梓里。駐仙車，仙車到來三月天。黃鳥嚶嚶鳴樹巔，遊
子聽之撩客思。逢君話舊，最堪憐。彤管羽觴，吟侍座雲塢。花豔
笑登筵，歡晏遽爾。遠言邁，分袂翻爲離思。牽旗亭送別，鶯花攢
青青草色。野風寒山氣，霏微連海岱。川雲杳靄入江干，征蓋遙
臨吳水上。堂齋獨掩，會城端可嘆。室邇人遂遐，何由接晤。珮珊
珊回首，昔遊新邑日。尊酒留連，詩興逸予。忝青雲達君方，玉樹
質誰憶。今來復開顏，風蓬轉徒真。難必况今，旌鴈正北飛。縱有
遙情安得悉，蠲羨分曹潯。江頭邦儲綜理展才猷，時論久懸山
嶽望。訐謨應切廟堂憂，知君心似寒潭水。印取水壺皎月秋會
須得代瓜期，至兩袖清風覲鳳樓。

宿張店寺

軒靜風聲細，窓虛月影通。偶來獨夜宿，回視萬緣空。篝火明禪
榻，松雲隱佛龕。應憐名利客，何事日匆匆。

過青州有懷王淮川

四圍山廓孤城險，千里封疆一掌平。春滿田疇含野色，風來關
樹奏絃聲。瞻雲不盡思親意，向日常懷戀闕情。東去胸邑今在
眼，故人喜得話平生。

夜集王淮川

忝竊連鄉郡，交遊歷歲時。比來官此地，遙望繫予思。何幸春風

夜同揮碧玉卮鵬搏方拭目莫負舊襟期

金嶺鎮宵行

暮夜驅行車寒燎照路衢喧喧鼓吹發星宿動清虛

長山往候臺察

車從乘春發焚輪起夕狂風沙迷客路雲日亂林芳寄重身忘
瘁心憂政欲良料應繡斧使旌別有封章

鄒平野中值雷雨兼懷一齋

軒車馳遠道雷雨漲荒烟正氣元凌漢丹心可質天窮通誠有
命出處且隨緣少試經綸畧寧爲利祿筌操期水玉美政尚常
弦全勞拙安予素聲庸敢衆先最憎俗客眼豈識達人詮况復

同心遠曷勝別思懸

過古青門

遙觀雲樹外城廓儼猶存塵世驚何代荒原有舊門平沙人跡
少斷靄日光昏却憶雄圖恨空傷遊子魂

哭毛石溪太卿兼傷童內方翰學王衢州太守

內方哭罷又衢州忽報石溪不少留四海知音星落落兩行清
淚恨悠悠明時共惜人龍逝端世何緣彩鳳求追憶同袍三十
載幾回夢裏見君侯

臨朐山行

山空風力勁地僻日光寒峰度煙雲碧崖翻花草丹喬林啼異

烏絕澗激清湍古有垂堂戒今愁遠道難

懋破丘俞氏庄次韻

乘輅宛轉度春山晴日遲遲翠靄間
過爾茅堂堪適興清風一榻白雲閒

送王菊亭致仕

恬退辭榮十畝閒曉來祖帳薦陽關
心懷民隱成多病性厭塵羈在早還
水繞芹泉堪濯足山連河曲最怡顏
忝予知己難爲別悵望文輅去莫攀

三學寺

禪院清風細巖陰卓午涼端居無俗念
僻地遠塵光日照花容媚風吹草色香
南薰虞氏曲謾入鼓琴章

堤上偶成

堤上晨風暑氣微海邊日出散朝暉
青山綠水寒雲亂碧樹蒼煙野雀飛
簿領自慚俗士駕河魚每憶舊時磯
從來吾道滄洲在倦鳥終還故樹依

夜過青城感懷

白雲親舍鳳城端縮地無由恨苦牽
惟有月明千里共清宵相伴倚門看

夜集施一齋

明月當庭照佳賓共綺筵更憐同志好
莫厭巨觥傳華燭明高

樹霓裳媚晚天坐來涼夜未清賞興悠然

慶施太夫人七十

秋風浙浙白露寒桂魄娉娉光欲圓仙姊起踏瑤臺翩翩飛
下浮光端浮光地跨中州勝塵寰荏苒閱時令弼成夫子列儒
紳望重中壺侈觀聽令子擢秀花封伯宅相攀蟾霄漢客指日
徽封下玉墀身兼五福稱嘖嘖喜茲七十初度日群仙到來仙
籙出獸爐香噴紫檀煙瑤管音協朱鳳律五色雲外虬車聲九
華丹液閃光晶火棗如瓜登玉案金莖帶露薦霞觥肩拍夢綠
華袂執許仙媧從今笑着桑田地幾變滄海綠參差

秋夜即興

涼宵浮影氣零露滿秋叢野曠風吹急天空月色融絳紗籠蟻
炬皂蓋引青驄慚爲浮名繫行行西復東

即事

華館新秋卓午涼重門深鎖拂晴光平徭自有宜民術體國須
尋善政方槐舞天風繁影碎鳥窺簷角巧音忙坐來終日琴堂
靜竊効宗人治穎長

九月八日夜過平陵廢城有感

何代繁華地荒城見古臺暮烟連斷靄殘月隱蒿萊九節明朝
至征鴻北塞來遙憐茅屋菊今日爲誰開

余書屋有菊數本故

贈竹溪魯君擢尹招遠叙

予自弱冠登第交游半海內嘗會都諫戚南玄於同窓太卿毛石溪第習聞其姻友魯竹溪爲有道者久之余頃承乏新城君丞于斯幾三載矣益雅相善亡何君蒙 恩擢招遠令乃謁予曰前丞恒坐誣累即弗累亦無能保終者幸得叨冒若此其曷訓以祇承哉余辭且再願義不可以無言遂告之曰夫守令民之師帥所以承流而宣化也令惟親民令之賢否民之休戚係焉其責爲尤重肆我 國家獨重其選而不輕以畀人者蓋慎之也今夫招遠山海之隘鄙也其地藪逋而嘯兇其俗輕剽而易煽緩之則玩激之則變厥惟艱哉非知道者其曷能濟或者曰君爲丞及攝諸邑剛介精敏勢利罔移庸能樹聲績爲臺使

所屢旌茲行殆何加焉予曰嘻地有巨細事有專分前乎丞則細而分也今乎令則巨而專也階崇秩異其地與事有不同如此矧夫人德難於自持才難於泛應績難於歷試情難於大同甚至矯世干譽而事每任之已焉則私矣私則弗中弗中則弗平弗平則民命有弗堪是奚足語道哉君固有道者聖賢道之會也易曰神而化之使民宜之孔子論政曰尊五美屏四惡真西山論屬亦欲脩四事去十害此皆格言也君誠体而行之可以德教可以刑罰可以因可以革翕張闔闢歸諸道焉耳矣其他如俗所謂征以腴膏佚以敗度刑以剝膚梏以窒性一切拂民者弗爲於道其廢幾乎夫然則人惟見其德養於默才蓄於

晦功收於簡情協於正動罔弗善治其民而民從之奚有於地
之曠而俗之易煽也耶則南玄謂君爲有道者信不虛矣言既
君作而謝曰機強志于道敢不奉以周旋遂相率餞諸桓臺之
上而別

雪中別竹溪曾君尹招遠

祖帳陽關擁使節寮采追陪樽俎潔且盡沙頭雙玉瓶何妨門
外驪歌闋海風吹雪舞珊珊萬里同雲拂曉寒冰花幻出梅千
樹凍月裝成玉萬竿相逢未久復相離美人辭我將東之行色
胡爲匆匆爾云是官程毋愆期輶車遙指萊陽道蓬萊海市飫
幽抱樓臺蜃氣闢竒姿邑里鮫人驚華藻琴堂到日鳴朱絃春
來夙駕稅桑田始信陽春今有脚莫令鷄犬夜無眠更體斯民
父母情皎懸秋月冰壺清男子路頭牢着足吾儒義利要分明
報政三年名位豁慰我交游仰止渴飲罷君上瑤臺去雲山萬
壘清光潤

謝兩院部寺獎勵

某才不逮人學未聞道比自筮仕以來心期廉幹力効愚忠唯
求立政寡過而已近誤蒙本院獎勵某捫心增懼揣分奚堪從
此愈切矜持之懷仰副優待之意綠繫職守末由叅謁先此差
官謹爲申謝

Large, faint watermark characters, likely '上海' (Shanghai), oriented vertically.

Small square seal impression in seal script, located at the bottom left of the page.

